

Unsa Ang Ebangelyo Sa Simbahan Sa Foursquare?



Ang Ebangelyo nga Foursquare nagatoo:

1. Sa Balaan Nga Kasulatan — (2 Timoteo 3:16,17;
2 Peter 1:19-21)
Nagatoo kami sa Biblia nga gilamdagan sa Dios.
2. Sa Walay Katapusan Nga Pagka-Dios — (Isaias
9:6; Mateo 1:23; Isaias 43:10; Juan 15:26; 2 Mga
Taga-Corinto 13:14; Mateo 28:19)
Nagatoo kami sa tutulo ka Personas sa Dios:
Amahan, Anak, ug Balaang Espiritu.
3. Sa Pagkahulog Sa Tawo — (Mga Taga-Roma 5:12)
Nagatoo kami nga ang tawo gibuhath gikan sa
hulagway sa Dios. Apan pinaagi sa kinaugalingong
dili pagkamatimuman, siya nahulog sa sala.
4. Sa Plano Sa Pagtubos — (Isaias 53:5; Juan 3:16;
Titus 2:14)
Nagatoo kami nga sa diha nga mga makasasala pa



kita, si Jesus namatay alang kanato, nga nagpatik sa pasaylo alang sa tanan nga mutoo Kaniya.

5. Sa Kaluwasan Pinaagi Sa Grasya — (Mga Taga-Efeso 2:8)
Nagatoo kami nga kita walay kaugalingon nga pagkamatarung. Mao nga kinahanglan moduol kita sa Dios nga magapangayo sa pagkamatarung ni Cristo.
6. Sa Paghinulsol Ug Pagdawat — (1 Juan 1:9; Juan 1:12)
Nagatoo kami nga pinaagi sa paghinulsol ug sa kinasingkasing nga pagdawat kang Ginoong Jesu-Cristo, kita ginapakamatarung sa atubangan sa Dios.
7. Sa Bag-ong Pagkatawo — (Juan 3:3)
Nagatoo kami nga ang kausaban nga mahitabo sa sulod sa kasingkasing ug sa kinabuhi sa panahon sa pagkadani matuod gayud. (Basaha ang Juan 3:1-18.)
8. Sa Cristohanong Kinabuhi Adlaw-Adlaw — (1 Tesalonica 4:3; 5:23; 2 Mga Taga-Corinto 7:1)
Nagatoo kami nga kabubut-on sa Dios nga magmaputli kita sa matag-adlaw, nga magatubo kita kanunay diha sa pagtoo.
9. Sa Bautismo Sa Tubig Ug Sa Balaan Nga Panihapon Sa Ginoo — (Mateo 3:13-17; 28:19; Mga Taga-Roma 6:4; 1 Mga Taga-Corinto 11:23-26)
Nagatoo kami nga ang bautismo pinaagi sa pagtuslob sa tubig mao ang usa ka gawasnong ilhanan sa buhat nga nahitabo sa sulod. Nagatoo kami sa pagsaulog sa Balaan nga Panihapon sa Ginoo pinaagi sa mahulagwayong paggamit sa tinapay ug kopa.
10. Sa Bautismo Sa Balaan Nga Espiritu — (Mga Buhat 1:4,5,8; 2:4)
Nagatoo kami nga ang bautismo sa Balaan nga Espiritu mao ang pagbubo sa tumutoo sa gahum, ug ang pagkunsad Niya sama ra usab sa kahimtang sa Iyang pagkunsad sa panahon sa Biblia.

11. Sa Kinabuhi Nga Napuno Sa Espiritu — (Mga Taga-Galacia 5:16,25)
Nagatoo kami nga kabubut-on sa Dios nga magalakaw kita adlaw-adlaw diha sa Espiritu.
12. Sa Mga Gasa Ug Bunga Sa Espiritu — (1 Mga Taga-Corinto 12:1-11; Mga Taga-Galacia 5:22-23)
Nagatoo kami nga ang Balaan nga Espiritu adunay espirituhang mga gasa nga igapahimutang sa Cristohanon; ug nga gikinahanglan nga kita magapakita sa espirituhang bunga ingon nga ilhanan sa usa ka kinabuhi nga napuno sa Espiritu.
13. Sa Kasarangan Nga Panlihok — (Mga Taga-Filipos 4:5; Mga Taga-Colosas 3:12-13)
Nagatoo kami nga ang kasinatian ug ang adlaw-adlaw nga pagkinabuhi sa tumutoo kinahanglan dili magadala kaniya ngadto sa pagkahilabihan ra ug sa pagkapanatiko.
14. Sa Balaanon Nga Kaayuhan — (Santiago 5:14-16)
Nagatoo kami nga ang balaanong pag-ayo mao ang gahum ni Cristo sa pag-ayo sa masakiton ingon nga tubag sa pag-ampo sa pagtoo.
15. Sa Ika-Duha Nga Pagbalik Ni Cristo — (Mga Buhat 1:10-11; 1 Mga Taga-Tesalonica 4:16,17)
Nagatoo kami nga ang ika-duha nga pagbalik ni Cristo personal ug haduol na.
16. Sa Pagpasakop Sa Simbahan — (Mga Buhat 16:5; Mga Hebreohanon 10:24-25)
Nagatoo kami nga amo gayud nga balaanong katungod ang pagpaila sa among mga kaugalingon uban sa makita nga simbahan ni Cristo.
17. Sa Kagamhanang Civil — (Mga Taga Roma 13:1,3,5)
Nagatoo kami nga ang mga pangulo o mga punoan sa kagamhanan angay ituboy sa tanang higayon, gawas sa mga butang nga nagasupak sa kabubut-on sa Dios.

18. Sa Katapusan Nga Paghukom — (2 Taga-Corinto 5:10; Mateo 13:41-43)
Nagatoo kami nga ang tanan magabarug sa katapusang adlaw atubang sa hukmanan sa Dios, ug didto magadawat sa walay katapusang kinabuhi o kamatayon ba.
19. Sa Langit — (Juan 14:2; Pinadayag 22:5; 21:4; 7:15-17)
Nagatoo kami nga ang langit mao ang usa ka mahimayaong walay katapusang puloy-anan sa mga tumutoo nga nangatawo pag-usab.
20. Sa Infierno — (Mateo 13:41-42; Pinadayag. 20:10,15)
Nagatoo kami nga ang infierno mao ang dapit sa walay katapusang pagsakit alang sa tanan nga mosalikway kang Cristo nga ilang Manluluwas.
21. Sa Pagsangyaw — (2 Timoteo 4:1-2; Santiago 5:20; Proverbio 11:30)
Nagatoo kami nga ang pagdani sa kalag mao ang usa ka dakung buluhaton sa simbahan dinhi sa kalibutan.
22. Sa Mga Ika-Pulo Ug Mga Halad — (Malaquias. 3:10; 2 Taga-Corinto 9:7)
Nagatoo kami nga ang paagi nga gimando sa Dios alang sa pagtabang ug pagpakaylap sa Iyang buluhaton mao ang paghatag sa mga ikapulo ug mga kinabubut-ong halad.

Ang pulong “Foursquare” (Maglaro) nagabarug sa upat ka pilo nga ministeryo ni Ginoong Jesu-Cristo: Siya ang Manluluwas (Mga Taga-Roma 10:9), Magbabautismo sa Balaan nga Espiritu (Lukas 3:16), Mananambal (1 Pedro 2:24), ug Umaabot nga Hari (Mga Buhat 1:11).